

کتابخانه

سر ۱۳۳۰

والله يهدي من يشاء الى صراط مستقيم ديني ، علمي ، ادبي ، سياسي هفتعلق بمجموعة اسلاميه در
اتبعون اهدكم سبيل الرشاد

صاحب و مدير مسئول : ح . اشرف اديب

عدد ۲۷ - ۲۰۹ ۲۳ رمضان ۱۳۳۰ پنجشنبه ۲۳ اغستوس ۱۳۲۸ جلد ۲ - ۹

فی الحقیقه غایب سی کندی تکملی اولان شخص ، خارجی برغایه محکوم و قدا ایدلمه ملی در .

ینه کندی مزه کله لم :

غرب فیلسوفلری دیکله مکه مجبور دق ، دیکله دک ؛ دیکله دک و آکلادق که حقه مختلف عدسه لرله باقیورلر ، و حق الانصاف سویلیه لم ، بعضلری « حق » ک ، قوتک پنجه سنده زبون اولماسندن قورقیورلر . فلسفه نک غایب سی غرض سنر ، عوض سنر « حقیقه ایریشمکدر » ، هر حقیقی فیلسوف بونکچون چیرینر و بونکچون محترم اولور . اولر ، باغیره چاغیره طور سونلر ، بز بونکون هانکی نظریه نک حکمران اولدوغنی آریالم . جوق یورولمایاجنر دکی ؟ بوتون حادثات ، بوتون سرکد - شترمن ، بونکون غریبه ، شرقده تسلطن ایدن طریقت سیاسییه نک « حق ، قوتدر . » دستورینه باغلانديغنه شهادت ایدیور و ایدمک . بزم بوکا قیزمغه هیچ حقمنز یوق . چونکه قیزمق حقمنز اولایلمک ایچونده قوتلی اولمالی یز . قوتلی اولمالیک هیچ برحق یوق :

لاحول ولا قوه الا بالله .

عبد اللطیف نوزاد

سیاسی

ملاحظات متنوعه

ترك فرقه برملكتده فرق سياسيه تشكلكندن بحث ایدن علمای سیاسیه سی غریبون دیرلر که : « جنسیت اوزرینه تشکیک اولتان بر فرقه سیاسیه مخاطره لیدر . بوشکلده فرقه وجوده کتورنلر دیگر اجناسه منسوب و طنداشلری معارض و مخاصم عدایدیورلر مش کی بر فکر تولید ایدرلر . بناء علیه شدتلی بغض و غرضی دعوت ایتش اولورلر . کذلک برجنسدن اولان فرقه افرادی دیگر جنسدن اولان فرقه افرادی بنای دولتک اساسنی دوچار خطر ایدن اعدا صورتنده تلقی ایلک ایستیه بیلور »

ظهور ایدمکن خارق العاده حالاته علاوة برده « ترك فرقه سیاسیه سی » تشکینه چالیشیلدیغنی آکلاشیلیور . واقعا مالک عثمانیه ده کی اقوام مختلفه دن بعضلرینک مسالک سیاسیه و آمال استقبالیه لری معلوم اولدیغندن بنای دولتی قوران عنصر دن ماعدای آرمه سنده قومیت اوزرینه فرقه لر تشکیلی - وحدت عثمانیه نقطه نظر ندن باعث تأسف اولقله برابره - موجب حیرت دکلددر . فقط ترکلر ایچون آریجه بر فرقه سیاسیه تشکیک ایتمک کی بر مسلکده بز بر فضیلت سیاسیه اثری کوره میورز . علی الخصوص ترکلر مسلمان بولنق حیثیتله اسلامیتک روح توحیدینه کلیاً مخالف بر طرزده لوای عثمانی آلتسده کی دیگر اقوام مسلمیه نمونه افتراق عرض ایتمک کی برضالاتی ده ارتکاب ایلیمه جکلرینه قانعز . تورک

فرقه سی تشکینه قالدیشانلرک شخصلری بیلمیورز . احتمالک جمله سی ده شایان حرمتدرلر . لکن قومز آرمه سنده بویله فوق العاده برتحول وجوده کتورمک قدر کنیدیورنده قدرت کورییورلر ایسه کندی اهمیت موقعیله لرین بر آرمه مبالغه لی صورتده تقدیر ایتشلر دیمکدر . مع مافیه تشبیلری بعض کسه لر ایچون اغوای شیطانی بی دعوت ایدمکک بر استعداده کورندیکندن اوپاده بیسان ملاحظه یه مجبوریت حس ایلدک . چونکه بزمه آنا و بابا جهتله اصلاً تورک قومندز . بناء علیه بیلیرز که ترکلر موقع و حق قومیلرین صیانت ایچون بر فرقه سیاسیه تشکیلی کی تدابیر توشل ایلیمه خاطر لرینه کتیرمزلر . اگر مقصد ترکلرک تربیه مدنیه ، عرفان سیاسیلرینک تربیدینه ، اخلاقلرینک تنزیهنه ، صحت و رفاهلرینک تأمیننه ، تشببات کسبیه لرینک انشراحنه فلانه خدمت ایسه آنک ایچون غیر سیاسی جمعیتلر ، هیئتلر تشکیل اولنوردی ؛ هر کسکده تقدیر و معاونت کسب نائلیت ایلردی . حاصلی بز ترکلر هر کیمک تشویق و تشبیله اولورسه اولسون کندی مزه مخصوص بر فرقه سیاسیه قومیه تشکلی ایستمزوک !

§

مسلمانه زارلره تحت حاکمیت افرنجده قالمش اولان بلاد بعیده مرهاتنوازلره اسلامیه دن بلاد عثمانیه یه و علی الخصوص پاتخته آرمه صره بر جوق صاحب وقع و علم ذاتلر کلوب کیدیورلر . بونلرک کلیسی ده استقلال اسلامیه نک تمثال باقیه سی اولان دولت عثمانیه حقنده بر حس محبت بسیلرلر . بونلر مثلاً بخارادن و آسیای و سلطانک دیگر محللر ندن نیت حج شریف ایله کلوبده عجز فقر دن طولای محتاج اعانه سلطنت اولان کیمسه لره بکزه مزلر ؛ آرمه جوق جمله سنکده مدار معیشتلری امیندر . مع مافیه لسان محلی یه غیر واقف واحوال مملکتیه کلیاً بیانچی اولان بومعبران مسلمة اجنبیه دخی بعض مرتبه معاونته و آثار مهماتنوازی یه محتاجدرلر . بر جوغنی بورایه کلنجه اسلامیت حقنده حظ و محبتی قطعاً مفقود کسان ایله ملو قارشو طرف اوتلارنده امرار ایام ایدرلرده بز دن عقلی باشنده ، منور الفکر ، صاحب حمیت بر ذاته بیله تصادف ایلیمه مزلر . هر هانکیسی مقام مشیخته ویا وکلای معروفه دن رینه برای زیارت کیتش اولسه اثنای ملاقاتده یا بزمیکلرک لسان اجانب بیلیمه مزلر لکنندن طولای مکالمه اجرای سلام و بیان خوش آمدیدن عبارت اولور ویا ترجمان حاضر بولنسه بیله مصاحبت مثلاً مخادنت دولتن ویا اخوت اسلامیه حقنده بعض بکلک سوزلره ، خاییده ملاحظاته منحصر قالور . بوقیل زوار معتبره مسلمنه نک ملتک طبقات منوره سی ایله هیچ بر تماسی وقوعه کله مز . ذاتاً بزم طبقات معتبره مزی تشکیل ایدنلرک بک جوغنی ده غربلی زوار اجانب حقنده بیلشیدقلری ، ادای مخادنت و شوق ملاقات کوستردکلری حالده شرقلی و علی الخصوص مسلمان زوار اجانب ایله تماسدن مجانبت ایدرلر !

زوار مسلمنه معروف اولان جامعلری ، تربیلری ، موزه یی فلانی

ابتدا انکلتزده احداث ایدیلن بو « چوقق کشفلر » آلایلری نسل جدیدک اصلاحنه برهان اوله جق نتایج حسنه ومفیده ویردیکندن بوتشکیلات صبیانیه دیگر مملکتلرجه تقلید ایدلدی . علی الخصوص روسیه ده کال اهتمام ایله تطبیق وبلادعدیده به تسمیل اولمشدر . چوققلر غایت ساده وخفیف اونیفورمه لابس اولدقلری حالده وقتاً بعد وقت تعایم کوره رک ، اکناف واطراف قصبات وقراده کشت وکذار ایدم رک معلومات مکتسبه لری حقه ده ادمانلرده بولنورلر . ضابطلردن ، دارالفنون ویا مکاتب عالیه طلبه ممتازمندن ویا مأذونلردن ، پاپاسلردن ، معلملردن ، طیبیلردن ، اووقاتلردن فلاندن بر چوقق کنج ذاتلرده بو صبیان کشف آلایلری ایچون اوقات مهینه ده سرکرده مک ، معلمک ، مربیلک ، رهبرک وظیفه لرینی بالاخییار درعه ده ایدرلر . خلقک طبقات مختلفه سنه منسوب چوققلرده بویله جه تربیه جسمانیه وفکریه کوره رک استقبال ایچون امتزاجلی ومتجانس برکله وطنداشان وجوده کتوره جک قابلیت لری استحصال ایلرلر .

مملکتیز اوتوز بو قدر سنه بردور عطالت ومسکنت کچوردکن صوکره انقلاب نتیجه سیله حریت فعالیت مالک اولمشیدی . فقط یایله جق برچوقق اصلاحات مدنیه احتیاجلرینی بردن بره حس ایلدیکی کبی کندیسنی داخلی وخارجی بر چوققده مشکلات عظیمه متابعه قارشوسنده بولدی . باقلم اصلاحات مدنیه واجتماعیه ایچون نه وقت بر فرصت دها بوله جغز .

چ - ش - ز

مکاتیب

هندستانه اخبار مختصر صمزدنه :

هند یولنده

۶

بیروت احوال عمومیه سی

ریختیم انشاسی لزومی . بیروت ایلروده اوروپانک الک محتمم بر لیانته ، مارسلیا کی بر شهره معادل اولمه استعدادی واردر . بیروتک دکن کنارینی تشکیل ایدن سیلفنده قبا وطاش پارچه لری پک جوق ومبدول بر حالده بولنوب شهره کوزل ، طبیی بر ریختیم وظیفه سنی ایفا ایلکده در . بیروتده بر ریختیم قوچانیه واداره سی برده قومیسری بولندی حالده مع التأسف ریختیمی یوقدر . بیروت قصبه سنه واپور تقرب ایدیکی زمان اوزاقدن قصبه تمامیه (آنقی تیاز) شکنده کورونیور . پک آز بر مصر فله غایت متین وکوزل بر ریختیم انشاسی ممکندر . انجق بر ریختیمی مسلمانلر قبله یاپه مازلر . چونکه دها بوکی ایشلرده بولمنه آیشمدقلرندن هر حالده بر اجنبینک معاوننه محتاجدرلر . یالکیز مناسب شرائط داخنده برل اسلام ، خرسقیان واجنبیلردن مرکب بر شرکت تشکیل ایدرسنه طن ایدرمکه حکومت دخی بولنره یاردم ومعاونت ایده بیلیر ، تصور ایتدیکم ریختیم بیروت اسکله سنی تشکیل ایدن (پور) دن

زیارت ایلدکن واوته ده بری ده تجانس سیاسی ملیه تماماً مخالف دورلو دورلو افکار عجیبه حس ایلدکن صوکره اومدیغی کورمیه رک وحالز حقه ده بر حس تأسف پیدا ایدرک قالفار کیدر ، مقام خلافت حقه ده اولجه بسیلدیکی افکار وحسیات تزلزه اوغرار ، تابع اولدینی دولت اجنبیه به شدتله منقاد اولمقدن بشقه کندیسى ومنسوب اولدینی طائفه اسلامیه ایچون الی الابد بروجه تسلی بولندیغی حقه ده قوتلی برفکر حاصل ایلیرک یوردینه دوزر . بورایه قدر ملت عثمانیه وخلافت اسلامیه حقه ده بویوک فکرلرله کلوبده مایوساً وبعضاً نفرتله دونن بر جوق اذکیای اسلامه تصادف ایلدم .

بزقلب قزانمغه پک محتاجز . زیارتخیلرمز تسمیلات ومعاونت فعلیه ومعنویه کوستره بیله جک تشکیلاتمز بولنلی . بو خصوصانده شخصی مسافر پرورلکدن زیاده رسمی آنار مهماندارینک کرامت تأثیری بولنور . اوقاف نظارتنه ومقام مشیخته بوکی خصوصانده مهم وظائف ترتب ایدر . نظارت اوقاف یولنه کیروب بوکی ایشلرده یرار کبی اوله جق ایدی . بیلیم که آچیلان چیغرده حکومت حاضره دخی دوام ایده بیله جکمی ؟ مقام مشیخته کلنجه : بز آنی بومقوله امور ایچون مع التأسف هیچ بر زمان تدارکلی کورمدمک .

§

کلیخانه بطری یالین آیاق ، بالدیری چییلاق ، اوستی باشی یرتیق .
بشمیرمیلر ومردار ، الی ویوزی کیرلی بر آلائی ، خیر بر آلائی دکل ، براردو ، چوققلر پاتخنک ممرعام اولان محللرنده باشی بوش طولاشیورلر ، قوشوشویورلر ، سوکیشورلر ، دوکوشیورلر . یار واغیار مواجهه سنده بر لوحه ذلت وکدورت تشکیل ایدن بوچوققلرک اکثریت عظیمه سی اولاد اسلامدنر . بعضلری دینانمک ، یوک کوتورمک ، قوندره تمیزلک کبی وسیله لرایله ناسی ازعاج ایدر طورلر . بعضلری ده فزته صائم ایچون وقت بوقت ازدحامی سوقاقلرده ، کوپروده حایقیره رق قوشارلرکه بوده ناموسکارانه برقاق پاره چیقاروب قوت لایموت تدارک ایلک غیرتندن زیاده طولومبا جیلغه یلتمک وآلشمنق هوس کلخانیسندن متولد بر تلاشه بکزر . هیئت اجتماعیه آره سنده بر عنصر عطالت تشکیل ایده کلن بوچوققلرک حیاتلری کندیلرینی ارتکاب جرائم ومعایبه آلیشدره جق بر استعدادده در . بولنری شتوم غلیظه دن ، ییسلکدن صیاسته خادم اوله جق بر ازاوقودوب برایش ویاصنعت صاحبی ایتدیره جک وحالترینه مناسب ایش بوله جق وبناء علیه مملکت ایچنده یتیشوب انسانلر آره سنه قاریشه جق اولان بیکلرجه کنجی علل وعوارض بدنیه وروحیه دن عاری طوته جق غیر رسمی جمعیات ومؤسسات خیریه منر تشکل ایده مدیکی کبی بومثللو وظائف تمدنییه واجتماعیه ایله مکلف بر دائره حکومت دخی یوقدر .

صوک سنه لرده اوروپانک ممالک مترقیه سنده چوققلردن فائده لی ووظیفه شناس برروطنداش ، فعال برر ایش آدمی ، چیویک ومتشبت برر عسکر یتشدیرمک ایچون سمت سمت آلایلر تشکیل اولمشدر .